

## Diweddariad cynnydd blynyddol yn erbyn ymrwymadau'r polisi

Mae Cydbwyllgor Llywodraethu ('CLI') Partneriaeth Pensiwn Cymru ('PPC'/'Y Bartneriaeth') wedi cymeradwyo'r Polisi Buddsoddi Cyfrifol ('BC') a Pholisi Risg Hinsawdd yn ffurfiol ar gyfer y Bartneriaeth. Mae'r polisiâu hyn yn cynrychioli'r amrediad eang o gredoau buddsoddi yn y Pŵl, maent yn uchelgeisiol eu natur ac yn adlewyrchu dyhead y Bartneriaeth i fod yn arweinydd mewn Buddsoddi Cyfrifol. Yn ystod y flwyddyn, mae'r Bartneriaeth a'r Awdurdodau Cyfansoddol wedi gweithio i weithredu a chyflawni'r ymrwymadau polisi amrywiol.

Mae WPP wedi cynnal ei adolygiad blynyddol o gynnydd yn erbyn yr ymrwymadau yn y RI a pholisiâu risg hinsawdd ar gyfer y flwyddyn hyd at 31 Mawrth 2022. Mae'r adolygiad hwn yn ffurfio elfen o brosesau llywodraethu WPP a bydd yn cael ei adlewyrchu'n ffurfiol yn adroddiad Cod Stiwardiaeth WPP ar gyfer 2021/22. Cynhaliwyd yr adolygiad hwn gan Hymans Robertson ar ran y WPP ac mae wedi cael ei drafod gan Is-Grŵp RI a Gweithgor Swyddogion y WPP, cyn cael ei adrodd yn ffurfiol a'i drafod gan CBLI.

Mae Atodiad 1 yn rhoi asesiad manwl o gynnydd y Bartneriaeth o ran cyflawni ymrwymadau ei bolisi BC. Mae Atodiad 2 yn ymdrin ag asesiad tebyg ar gyfer ymrwymadau dan y polisi Risg Hinsawdd. Nodwn yn y rhan fwyaf o achosion, mae cynnydd wedi parhau i gael ei wneud yn erbyn ymrwymadau'r polisi.

### Uchafbwyntiau'r flwyddyn

- Cyhoeddodd y Bartneriaeth ei Adroddiad Stiwardiaeth blynyddol cyntaf ac mae wedi cael ei dderbyn fel llofnodwr ar gyfer Cod Stiwardiaeth y DG yn 2020.
- Mae'r Bartneriaeth wedi mabwysiadu polisi pleidleisio mewnol Robect er bod y Bartneriaeth yn bwriadu rhoi polisi pleidleisio ei hun yn ei le (fydd yn cyfeirio at bolisi Robeco), yn amodol ar gymeradwyaeth y Cydbwyllgor Llywodraethu.
- I barhau i wneud cynnydd ar weithgareddau stiwardiaeth y Bartneriaeth, mae adroddiadau pleidleisio ac ymgysylltu chwarterol Robeco yn cael eu hadolygu ac mae'r materion o ddiddordeb yn cael eu trafod gan yr Is-grŵp BC. Mae unrhyw faterion yn cael eu codi gyda Robeco fel bo'r angen.
- Mae'r Bartneriaeth wedi trafod egwyddorion pleidleisio gyda BlackRock, ynghyd â'r mecanweithiau posib ar gyfer ymestyn y polisi pleidleisio i fandadau goddefol.
- Mae'r Bartneriaeth wedi gweithio gyda Russell a'r Awdurdodau Cyfansoddol i ddatblygu'r Gronfa Ecwiti Cynaliadwy. Er fod hyn wedi creu peth deialog gyda'r Awdurdodau Cyfansoddol ar y strategaeth hinsawdd, nid yw'r Awdurdodau Cyfansoddol, hyd yma, wedi cyrraedd sefyllfa lle gall y Bartneriaeth fabwysiadu amcan hinsawdd gyffredin.
- Mae'r Is-grŵp BC wedi bod wrthi'n monitro'r ESG a nodweddion hinsawdd ei is-gronfeydd ac yn trafod materion a godwyd gyda Russell.
- Ar ôl ymgynghori â'r Awdurdodau Cyfansoddol, bydd y Bartneriaeth yn darparu adroddiad cynhwysfawr yn ymdrin â'r holl is-gronfeydd er dibenion TCFD, yn unol â gofynion pob Awdurdod Cyfansoddol. Hefyd, mae'r Bartneriaeth yn bwriadu adrodd yn unol â gofynion y TCFD.

### Bylchau i ymdrin â nhw

Bu i'r adolygiadau hefyd nodi rhai mannau lle nad oedd gwaith wedi gwneud cynnydd dros y flwyddyn. Roedd y rhain yn cynnwys:

- Nid oes cynnydd wedi'i wneud ar ystyried Nodau Datblygu Cynaliadwy'r Cenhedloedd Unedig, er bod peth gwaith wedi'i wneud ar ddatblygu proses i roi mewnbyn i Robeco ar themâu pleidleisio ac ymgysylltu allweddol. Bwriedir gwneud cynnydd pellach gyda'r maes gwaith hwn dros H2, 2022.

- Mae bwriad i'r bartneriaeth adrodd yn unol â gofynion TCFD ar gyfer blwyddyn ariannol 2021/22 a bydd yn cefnogi Awdurdodau Cyfansoddol sy'n dymuno gwneud yr un peth. Hefyd, ystyrir dadansoddi senarios, a sut y gallai'r Bartneriaeth wneud defnydd ohono'n llwyddiannus fel rhan o'r broses adrodd hon.
- Ni wnaeth y Bartneriaeth gwblhau adolygiad blynyddol ffurfiol o bob un o ddulliau ei Reolwyr Buddsoddi at integreiddio'r Risg Hinsawdd (ond bu iddo wneud gwaith sylweddol ar ddull Russell drwy graffu yn barhaus).

### Meysydd ffocws i'r dyfodol

Wrth gwblhau'r asesiad hwn, nodwn y meysydd posib a ganlyn ar gyfer gweithgarwch/gwelliannau dros 2022/23:

#### 1 **Gwella'r broses ymgynghori gyda'r Awdurdodau Cyfansoddol.**

Er ein bod yn nodi bod hyn wedi bod yn llwyddiannus o ran datblygu anghenion hyfforddi, wrth fwrw ymlaen â'r Gronfa Ecwiti Cynaliadwy a thrwy'r strwythur pwyllgorau ehangach, erys meysydd lle gellir gwella'r broses hon, yn enwedig wrth ddatblygu dealltwriaeth o'r nodau hinsawdd.

#### 2 **Asesu gweithrediad parhaus y strategaeth**

Mae'r Is-grŵp BC wedi ceisio gwella'r mecanweithiau y mae'n eu defnyddio i graffu ar Russell, gan wneud gwell defnydd o'r wybodaeth sydd ar gael iddo. Fodd bynnag, mae sgôp pellach ar gyfer gwelliannau yn yr ardal hon. Rydym yn argymhell gweithio gyda Russell i ddatblygu math o adrodd asesiad blynyddol i fodloni'r amrywiol ymrwymadau yn y polisiau, a'r ddeialog barhaus o ran cyfarfodydd craffu i sicrhau bod rhain sy'n bodloni gofynion y Bartneriaeth yn y ffordd orau.






#### 3 **Chwilio am gyfleoedd pellach i gydweithio**

Er bod rhai enghreifftiau o lle y bu cydweithio da ar ymgysylltu a bod gwaith y Bartneriaeth ei hun yn enghraifft bositif o'r ymdrechion i gydweithio, gellir ystyried ffyrdd eraill o gydweithio yn fwy manwl. Gallai cael gwell cydweithio o ran adrodd o fewn y Bartneriaeth hefyd fod yn fuddiol, yn enwedig o ran anghenion adrodd TCFD. Mae gwaith ar hyn wedi mynd rhagddo eisoes.

## Atodiad 1: Cynnydd yn erbyn yr ymrwymïadau polisi BC

Cyfeirnod	Ymrwymiad / Datganiad Polisi	Diweddariad / Sylw	Statws RAG
<b>Y Strategaeth Fuddsoddi</b>			
3.3	Bydd PPC yn ymgynghori gydag Awdurdodau Cyfansoddol o leiaf unwaith y flwyddyn i bennu eu gofynion buddsoddi unigol a dyheadau tymor hirach.	Yn 2021, cyhoeddwyd yr holiadur dyheadau a gofynion ('ambitions and requirements questionnaire') i'r Cydbwyllgor Llywodraethu, y Gweithgor Swyddogion, Pwyllgorau Pensiwn yr Awdurdodau Cyfansoddol a Chadeiryddion Byrddau Pensiwn yr Awdurdodau Cyfansoddol.	●
3.4	Bydd PPC hefyd yn ystyried cyfleoedd a gyfyd o well dealltwriaeth o ffactorau ESG.	Mae PPC yn ystyried ffactorau ESG a buddsoddiadau effaith fel rhan o'i drafodaethau Marchnadoedd Preifat.  Mae'r RIWG wrthi'n gweithio gyda Russell ar hyn o bryd i ddatblygu is-gronfa ecwiti weithredol gynaliadwy, ac mae disgwyl iddi lansio yn ddiweddarach yn 2022.	●
<b>Newid hinsawdd</b>			
4.3	Bydd PPC yn ymgysylltu â'i ddarparwyr i sicrhau bod modd datblygu mecanwaith cyffredin i fonitro risgiau'n gysylltiedig â hinsawdd ar gyfer holl asedau PPC.	Ymgynghorwyd â'r Awdurdodau Cyfansoddol ar fetricsau hinsawdd posib er dibenion adrodd. Bydd PPC yn darparu adroddiad cynhwysfawr yn ymdrin â'r holl is-gronfeydd er dibenion TCFD. Hefyd, mae'r Bartneriaeth yn bwriadu adrodd yn unol â gofynion y TCFD.	●
4.4	Drwy ei ddirprwyon, bydd PPC yn annog pob cwmni sy'n buddsoddi i ddatgelu yn unol â gofynion y Tasglu ar gyfer Datgeliadau Ariannol sy'n Ymwneud â Hinsawdd.	Bydd y gweithgarwch ymgysylltu hwn yn cael ei wneud drwy Robeco a Russell. Mae PPC wedi tynnu sylw Robeco at y gofyniad hwn drwy ei egwyddorion pleidleisio a bydd yn parhau i ymgysylltu â Robeco ar y pwnc. <b>Rhoddir ystyriaeth i sut y mae hyn yn effeithio ar reolwyr newydd/is-gronfeydd</b>	●
<b>Gweithredu'r strategaeth</b>			
6.1, 6.3	Mae PPC yn disgwyl y bydd pob rheolwr buddsoddi a gyflogir o fewn PPC yn rhoi ystyriaeth briodol i risgiau sy'n ymwneud â hinsawdd a risgiau ESG eraill wrth wneud penderfyniadau o fewn eu portffolios priodol.  Bydd PPC yn ymgysylltu â'i Reolwyr Buddsoddi yn barhaus i sicrhau bod ffactorau ESG yn cael eu hadlewyrchu'n dryloyw mewn prosesau gwneud penderfyniadau a bod	Mae Link/Russell, fel rhan o'u proses dethol rheolwyr, eisoes yn gwerthuso sut mae rheolwyr yn integreiddio risgiau sy'n ymwneud â'r hinsawdd a risgiau ESG eraill yn eu penderfyniadau.  Mae'r RIWG yn gyfrifol am fonitro Russell a'r rheolwyr buddsoddi gwaelodol ar y graddau y maent wedi integreiddio'r ystyriaeth a roddir i risg hinsawdd ac ESG yn y portffolios y maent	●

Cyfeirnod	Ymrwymiad / Datganiad Polisi	Diweddariad / Sylw	Statws RAG
	modd tystiolaethu'n briodol y dull a ddefnyddiwyd i reoli ffactorau ESG.	yn eu rhedeg ar ran PPC.  Mae'r RIWG wedi datblygu proses o dderbyn adroddiadau risg hinsawdd ac ESG gan eu hymgyngorwyr sy'n cyfeirio'r dasg o fonitro'r rheolwyr buddsoddi.	
6.2	Ym mhob amgylchiad perthnasol, mae PPC yn disgwyl i'w Reolwyr Buddsoddi fod yn llofnodwyr i'r Egwyddorion Buddsoddi Cyfrifol ("PRI") a Chod Stiwardiaeth y DU gan y Cyngor Adrodd Ariannol ("FRC").	Bydd PPC yn gwneud cais am adroddiad gan Russell/Link ar y graddau y mae hyn yn ei le.	●
<b>Stiwardiaeth</b>			
7.4	Bydd PPC yn ymgysylltu â'i Reolwr Buddsoddi goddefol i ystyried sut y gellir ymestyn egwyddorion pleidleisio PPC i asedau a reolir gan ei Reolwr Buddsoddi goddefol.	Mae'r Bartneriaeth wedi trafod egwyddorion pleidleisio gyda BlackRock, ynghyd â'r mecanweithiau posib ar gyfer ymestyn y polisi pleidleisio i fandadau goddefol. Ni wnaed unrhyw newidiadau yn ystod y flwyddyn	●
7.5	Bydd y Bartneriaeth yn derbyn adroddiad ar yr holl weithgarwch pleidleisio, gan gynnwys manylion unrhyw bleidleisiau na chafodd eu bwrw ac esboniadau lle na chafodd pleidleisiau eu bwrw yn unol â'r egwyddorion cytunedig ar sail chwarterol. Bydd PPC yn trafod unrhyw faterion sy'n achosi pryder gyda'r Rheolwyr Buddsoddi.	Derbynnir adroddiadau pleidleisio chwarterol gan Robeco. Cynhelir adolygiad o'r adroddiadau pleidleisio a thrafodir materion o ddiddordeb gan y RIWG. Mae unrhyw faterion yn cael eu codi gyda Robeco fel bo'r angen.	●
7.6	Bydd PPC yn adolygu'r polisi pleidleisio ar y cyd â'i Ddarparwr PaY, ymgynghorwyr a Rheolwyr Buddsoddi yn flynyddol.	Mae PPC wedi mabwysiadu polisi mewnol Robeco. Mae PPC yn bwriadu rhoi ei bolisi ei hun yn ei le, yn amodol ar gytundeb y Cydbwyllgor Llywodraethu.	●
7.12	Bydd PPC yn derbyn adroddiadau yn flynyddol ar unrhyw ymgysylltu a wnaed gan ei Reolwyr Buddsoddi.	Mae PPC yn derbyn adroddiad ar y gweithgarwch ymgysylltu bob chwarter. Mae'r adroddiadau hyn yn cael eu hadolygu yn chwarterol ac mae materion o ddiddordeb yn cael eu codi gyda Robeco fel bo'r angen.  Mae PPC yn codi unrhyw faterion o bryder ar wahân gyda'r rheolwyr eraill, fel bo'r angen.	●
<b>Cydweithio</b>			
8.1	Bydd PPC yn adnabod ac asesu cyfleoedd posib i gydweithio yn barhaus, yn cynnwys mentrau buddsoddi cyfrifol sy'n cael eu	Mae PPC angen ystyried p'un a yw ei fecanwaith presennol ar gyfer adnabod ac asesu cyfleoedd yn effeithiol a sut y gall gofnodi ei weithgareddau cydweithio. Dylai	●

Cyfeirnod	Ymrwymiad / Datganiad Polisi	Diweddariad / Sylw	Statws RAG
	harwain gan fuddsoddwyr.	<p>PPC ymgysylltu â Robeco a LAPFF ar gyfleoedd yma.</p> <p>Mae PPC wedi cael ei dderbyn fel llofnodwr i God Stiwardiaeth y DU 2020 ac mae wedi cyhoeddi ei adroddiad stiwardiaeth blynyddol cyntaf.</p> <p>Yn ogystal, mae PPC yn defnyddio ei sesiynau hyfforddi fel dull o ddysgu mwy ynghylch y cyfleoedd cydweithio sydd ar gael i PPC..</p>	
8.3	Ynghyd â'i Ddarparwr PacY, bydd PPC yn ceisio adnabod mentrau a chydweithrediad buddsoddi cyfrifol, a arweinir gan fuddsoddwyr, y gall eu cefnogi'n frwd.	Mae PPC wedi ysgrifennu llythyr ar y cyd i Amazon, ar gyfarwyddyd Robeco.	
8.4	Bydd PPC yn annog rheolwyr buddsoddi gwaelodol i gymryd rhan mewn sesiynau ymgysylltu cydweithredol neu eu cefnogi pan ystyrir eu bod er budd ariannol cyffredinol gorau'r Awdurdodau Cyfansoddol.	Dim camau gweithredu wedi'u cymryd gyda hyn.	
8.5	Pan geir unrhyw gyfle addas, bydd PPC yn parhau i gydweithio gyda'r prosiect cydweithio BC traws-gronfa.	Mae PPC yn cael ei gynrychioli ar y grŵp BC ar draws y pŵl ac mae diweddariadau yn cael eu darparu'n rheolaidd i'r RIWG ar y gweithgarwch parhaus.	
<b>Monitro, Adrodd a Mesur</b>			
9.1	Bydd PPC yn datblygu metricsau monitro priodol ar gyfer ei bortffolios.	<p>Mae'r Is-grŵp BC wedi sefydlu proses ar gyfer derbyn adroddiadau 'manwl' ar yr is-gronfeydd ESG a risg hinsawdd, sy'n cael eu darparu gan Hymans. Mae'r rhain yn caniatáu i PPC weld sut mae pob is-gronfa a rheolwr gwaelodol yn perfformio o ran yr hinsawdd ac ESG.</p> <p><b>Bwriedir adolygu'r drefn adrodd yn ystod 2022/23.</b></p>	
9.3	Mae'n ofynnol gan PPC bod cymwysterau buddsoddi cyfrifol pob Rheolwr Buddsoddi a benodir yn destun adolygiad blynyddol. Ar y cyd â'r partion perthnasol, bydd PPC yn datblygu fframwaith adrodd priodol ar gyfer ei Reolwyr Buddsoddi.	<p>Mae Link/Russell, fel rhan o'u proses dethol rheolwyr, eisoes yn gwerthuso sut mae rheolwyr yn integreiddio ystyriaethau Buddsoddi Cyfrifol yn eu penderfyniadau.</p> <p>Mae PPC yn derbyn diweddariadau rheolaidd gan ei reolwyr buddsoddi ar berfformiad a materion BC. <b>Bydd PPC yn gwneud cais am ddiweddariad gan Russell a Link ar</b></p>	

Cyfeirnod	Ymrwymiad / Datganiad Polisi	Diweddariad / Sylw	Statws RAG
		<b>agweddau allweddol o'r is-gronfeydd fel ar 31 Mawrth 2022.</b>	
9.4, 10.2	<p>Bydd PPC yn paratoi a chyhoeddi adroddiad stiwardiaeth bob blwyddyn yn manylu ar y camau a gymerwyd er mwyn cyflawni'r polisi hwn a'r canlyniadau a gafwyd.</p> <p>Bydd PPC yn paratoi a chyhoeddi adroddiad stiwardiaeth blynyddol yn unol ag egwyddorion Cod Stiwardiaeth FRC y DU 2020.</p>	<p>Cwblhaodd PPC adroddiad stiwardiaeth ar gyfer y flwyddyn at 31 Mawrth 2021, a chafodd hwn ei gyflwyno i'r FRC ym mis Hydref 2021 a'i gyhoeddi ym mis Mawrth 2022.</p> <p>Mae PPC wedi cael ei dderbyn fel llofnodwr i God Stiwardiaeth FRC y DG yn 2020.</p>	●
<b>Arall</b>			
10.1	Bydd PPC yn sicrhau bod o leiaf un sesiwn hyfforddiant ffurfiol yn canolbwyntio'n uniongyrchol ar Fuddsoddi Cyfrifol.	<p>Yn ystod 2021/22, cafodd ys is-grŵp BC sesiynau oedd yn cynnwys sesiynau hyfforddi ar ddatblygu nodau hinsawdd, monitro a metricsau, a stiwardiaeth.</p> <p>Mae PPC wedi cynhyrchu cynllun hyfforddi 22/23 sy'n cynnwys y pynciau BC a ganlyn:</p> <ul style="list-style-type: none"> <li>• Beth mae BC yn ei olygu i PPC</li> <li>• Y Cod Stiwardiaeth ac Adrodd TCFD</li> <li>• Cynnydd Cronfeydd Cyfun Cynlluniau Pensiwn Llywodraeth Leol eraill</li> <li>• Cyfleoedd i Gydweithio</li> </ul>	●
10.3	Bydd PPC hefyd yn archwilio'r posibilrwydd o ymgorffori Amcanion Datblygu Cynaliadwy'r Cenhedloedd Unedig yn ei gredoau BC a'i fecanweithiau monitro a mesur.	Ni chymerwyd camau arwyddocaol i fwrw ymlaen â'r dyhead hwn drwy'r flwyddyn er mae PPC yn parhau i fwriadu cyflwyno mandadau marchnadoedd preifat ac effaith.	●
10.5	Bydd PPC yn adolygu cydymffurfiaeth pob parti â'r polisi hwn yn flynyddol. Bydd PPC yn cyhoeddi canlyniadau eu hasesiad fel rhan o'u hadroddiad stiwardiaeth a llywodraethu blynyddol.	<p>Hefyd, bydd adroddiad stiwardiaeth blynyddol PPC a gyhoeddwyd yn ddiweddar yn gweithredu fel adroddiad stiwardiaeth a llywodraethu BC PPC. Mae PPC wedi derbyn adborth ar wersi i'w dysgu o'r adroddiad a chan yr FRC, ac mae'r rhain am gael eu hystyried. Mae'r adolygiad hwn hefyd yn bodloni gofyniad yr ymrwymiad hwn</p> <p>Bydd adolygiad manwl o'r polisi a'r ymrwymadau yn cael ei gynnal bob 3 blynedd, gyda'r un nesaf i'w gynnal yn 2023.</p>	●

## Atodiad 2: Cynnydd yn erbyn yr ymrwymïadau polisi hinsawdd

Cyfeir nod	Ymrwymïad / Datganiad Polisi	Diweddariad / Sylw	Statws RAG
<b>Amcanion</b>			
13	Bydd PCC yn ymgynghori gyda phob Awdurdod Cyfansoddol mewn perthynas â'u hamcanion hinsawdd, bob blwyddyn o leiaf, ac i lawn ddeall pa ddatrysiadau gweithredu maent eu hangen i gwrdd gyda eu hamcanion a'u hymrwymïadau.	Ni chynhaliwyd ymgynghoriad manwl yn ystod y 12 mis diwethaf, er y bu deialog o ran cyflwyno Cronfa Ecwiti Cynaliadwy.  <b>Mae'r broses ar gyfer ymgynghori yn rheolaidd ar y risg hinsawdd am dderbyn blaenoriaeth yn ystod 2022/23.</b>	●
14	Bydd PPC yn ymdrechu i ddatblygu a hwyluso datrysiadau buddsoddi sy'n galluogi pob Awdurdod Cyfansoddol i gyflawni ei amcanion a'i ymrwymïadau hinsawdd.	Mae'r Bartneriaeth wedi gweithio gyda Russell a'r Awdurdodau Cyfansoddol i ddatblygu'r Gronfa Ecwiti Cynaliadwy. .	●
15	Bydd PPC, a'i Hawdurdodau Cyfansoddol, yn ceisio cydweithio gyda'i gilydd i ddatblygu datrysiadau buddsoddi sy'n cwrdd â'r amcanion ac ymrwymïadau hinsawdd yr holl Awdurdodau Cyfansoddol.		
18	Bob blwyddyn bydd PPC yn asesu os yw ei hymarfer ymgynghori gyda'r Awdurdodau Cyfansoddol wedi adnabod amcan cyffredin sy'n gysylltiedig â'r hinsawdd mae'r holl Awdurdodau Cyfansoddol yn barod i'w cefnogi.	Nid oes ymgynghoriad wedi'i wneud felly nid yw asesiad yn bosib.	●
<b>Strategaeth</b>			
23	Mae PPC yn derbyn Adroddiadau Monitro Risg Hinsawdd chwarterol ar gyfer ei his-gronfeydd Ecwiti ac mae yn bwriadu ymestyn y dull yma o adrodd ar gyfer ei His-gronfeydd Incwm Sefydlog.	Cynhyrchwyd Adroddiadau Monitro Risg Hinsawdd ar gyfer Is-gronfeydd Incwm Sefydlog fel ar 30 Medi 2021.  Nid yw adroddiadau yn cael eu darparu ar gyfer yr holl is-gronfeydd ar sail chwarterol er dibenion craffu. Mae PPC yn bwriadu gweithio gyda Hymans a Russell ar werthuso ei brosesau monitro.	●
24	Bydd PPC yn parhau i hwyluso dadansoddiad senario hinsawdd ar draws asedau gaiff eu dal gan y Bartneriaeth i sicrhau bod yr Awdurdodau Cyfansoddol yn ymwybodol o'r risgiau hinsawdd posib yn	Nid yw dadansoddiad senario ar y cyd yn cael ei wneud ar hyn o bryd ond fe ellid hwyluso hyn. Anelu ystyried mewn mwy o fanylder wrth i'r Awdurdodau Cyfansoddol ddod yn agored i ofynion TCFD.	●

Cyfeir nod	Ymrwymiad / Datganiad Polisi	Diweddariad / Sylw	Statws RAG
	Is-gronfeydd PPC.		
25	<p>Mae'r Bartneriaeth wedi ymrwymo i gynnal o leiaf un sesiwn hyfforddi flynyddol yn ymwneud â'r risg ar gyfer ei rhan-ddeiliaid.</p> <p>Mae PPC yn cynnal ymarfer adnabod anghenion hyfforddi blynyddol, ar y cyd â'r Awdurdodau Cyfansoddol, mae hwn yn fecanwaith y defnyddia'r Bartneriaeth i fesur gofynion hyfforddiant risg hinsawdd ei rhan-ddeiliaid.</p>	<p>Cynhaliwyd sesiwn hyfforddi ar Adroddiadau Monitro Risg Hinsawdd yn ystod y flwyddyn.</p> <p>Fel y nodir dan 10.3 yr adolygiad polisi BC, mae asesiad anghenion hyfforddi wedi'i gynnal ar gyfer 2022/23.</p>	●
<b>Gweithrediad</b>			
28	Bydd PPC, o leiaf yn flynyddol, yn adolygu bob un o ddulliau ei Reolwyr Buddsoddi tuag at integreiddio Risg Hinsawdd.	Mae PPC wedi ceisio deall dull Russell o reoli'r risg hinsawdd yn ystod y flwyddyn drwy'r broses graffu. Fodd bynnag, nid oes asesiad ffurfiol wedi'i gynnal a bydd hyn yn cael ei ystyried.	●
29	Bydd PPC yn annog ei Chyflenwr Pleidleisio ac Ymgysylltu i ymgysylltu â chwmnïau sy'n buddsoddi am faterion sy'n ymwneud â'r hinsawdd, yn cynnwys cynnydd yn y datgeliad ar risgiau sy'n ymwneud â'r hinsawdd gan gwmnïau i fuddsoddwyr.	Mae PPC wedi mabwysiadu chwe blaenoriaeth pleidleisio allweddol gyda Robeco. Mae datgeliadau risg hinsawdd ymysg y rhain.	●
<b>Monitro / Adrodd</b>			
31	Bydd PPC yn monitro newidiadau yn arferion y farchnad i sicrhau ei bod yn llawn ymwybodol o newid mewn arfer gorau a'r posibilrwydd o fonitro risg sy'n ymwneud â'r hinsawdd o fewn ei his-gronfeydd di-ecwiti, o leiaf yn flynyddol.	<p>Mae'r Adroddiadau Monitro Risg Hinsawdd yn cynnwys amrediad eang o fetricsau hinsawdd ac yn trafod y metricsau a ddefnyddiwyd gyda Hymans.</p> <p>Mae PPC yn bwriadu gweithio gyda Hymans a Russell ar werthuso ei brosesau monitro.</p>	●
32	Bydd PPC angen i'r Rheolwyr Buddsoddi i ddarparu monitro ar fod yn agored i risg sy'n ymwneud â'r hinsawdd yn eu hadroddiadau chwarterol i PPC a'r Awdurdodau Cyfansoddol.	Mae PPC yn bwriadu gweithio gyda Hymans a Russell ar werthuso ei brosesau monitro.	●



Cyfeir nod	Ymrwymiad / Datganiad Polisi	Diweddariad / Sylw	Statws RAG
<b>Tryloywder</b>			
35	Drwy ei Chyflenwr Pleidleisio ac Ymgysylltu a'r Rheolwr Buddsoddi, bydd y Bartneriaeth yn annog pob cwmni sy'n buddsoddi i ddatgelu yn unol â gofynion y Tasglu ar gyfer Datgeliadau Ariannol sy'n ymwneud â Hinsawdd.	Mae PPC wedi mabwysiadu chwe blaenoriaeth pleidleisio allweddol gyda Robeco. Mae datgeliadau risg hinsawdd ymysg y rhain.	●
34, 36	<p>Mae gan PPC uchelgais i adrodd ar gynnydd camau gweithredu wnaed i ymdrin gyda risg hinsawdd yn unol â'r fframwaith a nodir gan y Tasglu ar gyfer Datgeliadau Ariannol sy'n ymwneud â Hinsawdd ('TCFD').</p> <p>Bob blwyddyn bydd y Bartneriaeth yn paratoi ac yn cyhoeddi adroddiad yn manylu ar y camau gweithredu a gymerwyd er mwyn cyflawni'r polisi hwn a'r canlyniadau a gafwyd.</p>	<p>Cyflwynodd PPC adroddiad yn unol â Gofynion Cod Stiwardiaeth FRC y DG yn 2021 a oedd yn ymdrin â'r ystyriaethau risg hinsawdd i beth graddau.</p> <p>Cynigir bod PPC yn adrodd yn unol â'r gofynion TCFD yn 2022 ac wrth symud ymlaen.</p>	●